

# INUIT ATAQATIGIIT

## INATSISARTUNI



UPA2023/77

19-10-23

Pipaluk Lynge

**Pinngitsaaliilluni angerlarsimaffiup avataanut inissiinernut atatillugu innuttaasut eqqartuussissuserisumik ikiorneqarnissaat aamma meeqqat inissinneqarnerannut atatillugu atugassarititaasut, innuttaasut suliap ingerlanerani toqqisisimanermik qulakkeerinniffiginissaat aamma inuit pisinnaatitaaffiannut eqqartuussivimmum maalaaruteqarsinnaanermik periarfissaqarnissaat pillugu apeqquteqaat aallaavigalugu oqallinnissamik siunnersuut**

(Siumut)

### **Oqaaseqaat:**

Inuit Ataqatigiinniit Siumut oqallisssiaanut qujavugut, oqaluuserisassamut pingaarutilimmut.

Nunatsinni meeqqat inuillu pisinnaatitaaffisa atuutsinneqarnerat qujarutissaavoq pisariaqarlunilu.

“Inuit pisinnaatitaaffii ataqatigiipput, nammaqatigiillutik avissaartinneqarsinnaanatillu”. Taamak oqarpoq Dalee Sambo Dorough PhD, nunap inoqqaavisa pisinnaatitaaffiinut siunnersorti – Inatsit Tunngaviusussaq pillugu isumalioqatigiissitat isumaliutissiissutaanni. Imatullu nangippoq: “Taamaattumik inuit pisinnaatitaaffiinit ataasiinnarluunniit pisinnaatitaaffik innarlerneqarpat, inuit pisinnaatitaaffii tamaavimmik sunnerneqartarlutik”. Issuaaneq naavoq.

Meeqqat pisinnaatitaaffisa ilagaat, meeqqat angajoqqaatik najorlugit inuuusinnaatitaasut, aatsaallu ajornavippat, meeqqanullu peqqinnanngippat, angajoqqaaminniit avissaartinneqartariaqartut. Meeqqalli angajoqqaatik qaqugukkulluunniit attavigisinnaatitaavaat. Meeqqat pisinnaatitaaffisa

# INUIT ATAQATIGIIT

## INATSISARTUNI



nunatsinnut pisariaqarluinnarpus, sulinitssinni inuiattullu eqqaasittuartassaagut aaliangerneq, iliuuseq sunaagaluarnersoq, pisinnaatitaaffiinut innarliinersoq, naleqqunnersorluunniit.

Nelson Mandelap oqarsimaneratuut: "Nunap ingerlatsinera nalilersussagaanni, nunami meeqqamut atugassarititaasut qiviarneqartariaqarput." Nunatsinni meeqqat amerlanersaat inuunerissaartutut oqaatigineqarsinnaapput, tamanna qujanarpoq. Ilaqarpugulli illersortarialinnik ikiortarialinnillu.

Meeqqap inuulluunniit pisinnaatitaaffini ilisimagunigit, pisinnaatitaaffiit atorluarsinnaanerulissapput, iliuuseqarsinnaanissamullu nikeriarfissaqarnerulissaaq. Pisinnaatitaaffeqarnerput pisinnaatitaaffitsinnillu atuisinnaatitaanerpullu ilisimasatsinni naliginnaanersaasariaqarput.

Kommuneni sulisut suliassarpssaqartartut ilisimaaraarput, qutsatissaraagullu sulilluartarmata. Ilaatigut sulisup ataatsip suliassat arlaqartut tigummisaraat Inuit Ataqatigiinniit ilisimaaraarput, suliallu amerlassusaannik annerpaaffiliisariaqarneq aamma eqqartugassaqqitsillutigu.

Suliap Kommunemut apuunniariartoq akunnernik ullunillu killeqarput sulisut suligasuarnissaannut. Inuit pineqarput, ilaatigullu oqaatigineqareersutut, suliat naammassilluartutut oqaatigisinnaasaristik. Kukkusqartarpoq. Suliassat amerlavallaartarput atorfilittanut. Nunatsinni assaat ikittunnguuupput, tamanna ilisimavarput. Nunatsinni inuuniarneq imaannaanngilaq, ajornartorsiutaasinnaasullu suugaluarnersut, inuup avatangiisai atugassarititaalu ajunngippata, inuuniarneq ajornannnginnerulertarpoq. Taamaattumik eqaatsumik sukkasuumillu suligasuarsinnaanissarput ujartortuartariaqarparput, Inuit meeqqallu pisinnaatitaaffii innarlerumanagit.

# INUIT ATAQATIGIIT

## INATSISARTUNI



Naalakkersuisut oqaatigisaannut saakkutta, ukiaanerani oqaluuserisassarput immikkoortoq 29mi saqqummiunneqareersumi meeqqat tamarmik angerlarsimaffiup avataanut inissinneqartut meeqqat illersuisuannik neqeroorfigineqartalernissaat qulakkeerneqassasoq oqaatigineqarpoq. Taanna oktoberip 27ani aappassaaneerneqassaaq.

Taamaakkaluartoq Inuit Ataqatigiinnit oqaatigissavarput, Naalakkersuisut sulinerat tatigigatsigu, ilaqtariilli avissaannginnissaat pingaartikkatsigu, meerarlu angerlarsimaffimmiiit peerneqartinnagu, aaqqiissutaasinnaasut tamarmik aqqusaaqqaarlugit, aaliangerneq pissasoq kissaatigalugu.

Angajoqqaat arsaarneqarsimasunut eqqartuussuserisumik ikiorserneqartarnissaat pissappat eqqartuussisilerisunillu ikiorserneqassappata qulaajangassat arlaqarput. Siullertut suleriutsit inatsisillu aattuumassuteqartut naleqqussarneqassapput aammalu inuiaqatigiit tamanna akilissappassuk aningaasaliinissaq qulaajaaffiusariaqarluni. Nunatsinnilu meeqqat angerlarsimaffiup avataani inissinneqartartut amerlapput, Inuit Ataqatigiinnillu soqtingaarpot tamatumunnga qulaajaasoqarnissaa.

Taamak oqaaseqarluta oqallisissiamut qujavugut.